

Premi Zecchin: assegnadis dôs borsis di studi di 2000 euros

I vincidôrs dal ricognossiment pai miôr students dal prin cuadrieni di Medisine e Chirurgje a son Cinzia Vivarelli di Udin e Davide Lazzarotto di Pasian di Pordenon.

A son Cinzia Vivarelli di Udin e Davide Lazzarotto di Pasian di Pordenon i vincidôrs des dôs borsis di studi di 2000 euros ognidune intituladis ae memorie dal dotôr Romano Zecchin, che a premiin i miôr students dal prin cuadrieni dal cors di laurea magjistrâl a cicli unic in Medisine e chirurgjie de universitât di Udin. Il premi, rivât ae decime tierce edizion, al è stât istituît par visâsi la figure dal dotôr Zecchin, mancjât 13 agns indaûr, che al à operât li dai ospedâi di Udin, Pordenon e al Centri di riferiment oncologic (Cro) di Davian.

Il retôr, a non di dute la comunitât universitarie, al à graciât lis sioris Ane Marie e Anita Zecchin pe continuitât gjenerose dal premi. «Une iniziative – e à sotlineât Compagno – che e unis doi elements esemplârs pai students: la professionalitât dal dotôr Romano Zecchin, model pai futûrs miedis formâts dal nestri Ateneu;

e la vocazion pe medisine che te Universitât di Udin al cjate la sede ideâl par jessi valorizade in graciis de preparazion di ecelenze furnide de nestre facultât di Medisine, di un decenni fra lis miôr in Italie». Lazzarotto e Vivarelli,



Di çampe Cinzia Vivarelli, Anna Maria Zecchin, Cristiana Compagno, Davide Lazzarotto, Massimo Bazzocchi.

za laureade cul massim dai vôts e la laude in Sciencis Motoriis, a son i vincidôrs dal concurs pal an academic 2009-2010.

Romano Zecchin al è stât assistent volontari e aiût di rûl al

Ospedâl Sante Marie de Misericordie di Udin, li dai istitûts di radiologjie, terapie fisiche, medisine nucleâr e radioterapie. Al diventà duncje primari al Ospedâl Sante Marie dai Agnui di Pordenon dulà ch'è al à diret ancje il Dipartiment di diagnostiche par imagjins. Fin al 1994 al è stât responsabil dal Servizi di medisine nucleâr dal Cro di Davian. Il dotôr Zecchin al à vût cun di plui il premi "Mencarelli".

Il premi al è dedicât ai students iscris al cuint an dal cors di laurea magjistrâl a cicli unic in Medisine e chirurgjie dal ateneu furlan. I participants a àn di vè frequentât regolarmentri i prins cuatri agns li de facultât udinese e passât ducj i esams dai agns di prime dentri dai 30 di Setembar dal an academic precedent. A risultin vincidôrs i doi students che a àn passât i esams dai cors integrâts cu la medie plui alte.